

Ikan bawa petaka?

Penemuan oarfish dibimbangi petanda gempa bumi, tsunami



IKAN spesies oarfish yang ditangkap nelayan Thailand. FOTO Jam Press

HM 28/02/24 ms 29

Agensi

Bangkok

Nelayan di Thailand menemui ikan spesies *oarfish* sepanjang 2.7 meter yang didakwa petanda tercetus gempa bumi dan tsunami.

Portal Metro UK melaporkan, kemunculan kedua dipanggil 'ikan gempa bumi' di Teluk Andaman, Thailand setakat tahun ini mencetuskan kebimbangan berlaku gempa bumi atau tsunami.

Oarfish, hidup di lautan dalam dan jarang dilihat manusia, malah ia mampu bertahan dengan kedala-

man 1,000 meter di dasar laut.

Ini bermakna haiwan ini cenderung mati lebih cepat dan badan mereka mengembang akibat tekanan.

Dalam mitologi Jepun, makhluk laut itu kadangkala dipanggil 'ikan gempa bumi' dan dianggap 'petanda tragedi', muncul sebelum bencana alam atau penyakit berjangkit.

Enam daripada makhluk laut dalam itu dikesan beberapa hari sebelum gempa bumi

maut membunuh enam mangsa dan mencederakan lebih 120 di selatan Filipina pada 2017.

Ikan seberat 8.6 kilogram diangkut ke atas kapal nelayan di Laut Andaman, lapangan batu nautika dari Phuket, Thailand.

Bangkai itu didapati dalam keadaan baik, selain ada luka kecil di kepalanya, menurut pihak berkuasa.

Pakar juga menganalisis bangkai seekor lagi ikan *oarfish* yang ditemui di luar Wilayah Satun, lebih jauh ke selatan di

pantai Andaman Thailand, pada 4 Januari lalu.

Kedua-duanya dipamerkan di muzium tempatan sebaik sahaja pegawai menyelesaikan penyelidikan.

Penemuan pada 4 Januari itu mencetuskan kebimbangan mengenai bencana yang berlaku dalam kalangan mereka yang percaya ikan *oarfish* sebagai petanda malang.

Penduduk di kawasan tempat ia ditemui berkata, jika menemui ikan *oarfish* di sekitar Satun, ia mungkin menunjukkan kebimbangan berpotensi berlaku gempa bumi di sepanjang pantai Andaman.

Oarfish, hidup di lautan dalam dan jarang dilihat manusia